

2m raphn

30

diener Ein wolff ein fuchs vnd ein rappen Off ein tag gieng da
für ein kouffman vnd lieb da ein Camel das vor müdy mit für
er kummen mocht das gieng vñ sücht sin weide / damit es sich
wider zu krafft bringē möcht Von geschicht kam es zu der statt
da es den löwen vnd sin gesellschaft vand / zu dem sprach der löw
Durch was vrsach bistu hye Antwort das camel ich bin hye
zu dienen dem künig ob er min gerücht vnd züerstatten sin ge
bott Antwort der löw gefelt dir vnser gesellschaft vñ wilt mit
getrüw sin so magst du sicher by vns belyben mit trüw vnd on
forcht aller widerwärtigkeit /



Also bleib das Camel by dem löwen manig zyt Off
ein zyt als der löw was usgangen zu süchen sin spyß
kam zu im ein helfand das sich gegen im stryete an
nam vnd wundet den löwen mit sinen zenen vñ reiß
in an mengen enden also das der löw von dem hel
fand mit onmacht entran wurd vnd blutig zu siner wonung vñ
mocht füro hin sin spyß mit mer süchen Es begab sich das den
löwen sin hunger bestünd vnd sach ouch das sinen gesellen spiß
gebraßt dis bracht dem löwen truren Vñ sprach zu sinen ich sich
vñ merck üwern mangel Nun wär ich schuldig üch als jungē
vnd mine diener züersehen Sy gaben antwort vnd sprachen
wir truren mit allem vmb vnser nocht urfft / dann vask mer vmb
dich als vnsern herren mit betrachtung was an dir gelegen ist
mit grosser begird dmen gebresten zu werden nach vnserm ver
mögen das wir ouch bis her mit gespart habē Antwort sinen der
löw Ich hab bis her üwern fliß vñ erst befunden vñ getrüwen
rat Vnd möchten ir usgon villicht fundent ir fliß der ir vñ ich
erfröuwet werden möchten vñ als sy vff des löwen verschaffen
in das feld kamen do teilten sy sich von dem Camel das sich
nun in jr gesellschaft gethon het vnd trügen an einen rat vnd
anschlag vnd sprachen zusamen /



Als tougt by vns dz Camel so es krut yisset vñ wit
fleisch Es ist doch mit vnser natur noch vnser rates
vñ sprach der fuchs nicht bessers wir gangen zu dem
löwen vñ raten im dz Camel züessen vñ sagē im das
es im vñ vnser gantzen gesellschaft vnnütz sy vnd
das wirt im vnd vns zu gutem Antwort der wolff das mag mit
wol sin vñ gezimpt vns ouch mit wol dē löwen das zu raten an
gesehen den gloubē den dz Camel im geton hat sprach der rap
bliben ir hye an vnser statt vnd lassent mich gon zu dem löwen